

phone 5192

1. *Chlorophyll a* (Chl *a*)

TA BENDI

- Cash di Boeki (incluyendo escritorio y bar)
- Cash di Cuchina (cu biad di hule)
- Set di servies (Bavaria)
- Mechien di Cose eléctrico (Fridor)
- Hero y Meta di Strika
- Philips Radio
- Lamp di Mesa
- Lamp di
- Wegén pa muchu
- Rakki pa Boeki

Adres: Fergusonstraat 25 (enfrente Wilhelminastadion)

BINGO DRIVES

ORANJESTAD. — Diasabra anochi tabatin un bingo drive den Club Wapana y e premio tabata un aparato di television marca Emerson.

E feliz ganador tabata señor H. Zaandam.

Awe noch lo tin den Club Suram

OFICINA MARITIMA DE ARUBA

Tel: 1622

Empaquetamento di Meubles

un gran bingo drive, pero e premio no ta concu aida. E di tres bingo drive di e luna aki ta di Heineken's bingo drive cu lo wordo teni den Club Wapana dihuebes anochi dia 25.

PAGINA TRES

Chesterfield a derrota Heineken's 14-9

(Di nos Sportreporter)

ORANJESTAD. — E novena cigarillera di Chesterfield a logra su promer victoria di e campeonato AA 1957 derrotando Heineken's ayera mainta den Wilhelminastadion. E encuentro tabata uno colma cu error y mal hugada. Heineken's a anot cu cinco carrera den su promer turno na bate y tabata parce te den e sexto inning cu nan lo a logra un victoria. E pitcher di Chesterfield, Jack a wordo castiga cu cuatro hit den e promer inning pa cinco carrera. E promer bateador Escalona a embasa pa base por bola. Bryan a conecta hit den rightfield loke a permiti Escalona yega te tercera. E tiro cu e wordo haci for di rightfield pa home tabata malo y tanto Escalona como Bryan ta anota e dos promer carreranan di wegá.

Burke ta e promer out cu fly pa segunda, pero Clark ta sigui cu single hit. Whitfield tambe ta embasa pa base por bola. Luego Stenen ta conecta fuerte rolling di hit ariba tercera base. E segundo tiro malo di outfield pa home den e hugada aki ta permiti Clark anota. Un hit di Kruthoff ta embasa Whitfield y Stenen cu carreranan number cuatro y cinco. Rolling di Marquez pa segunda ta provoca un doble matanza pa cerra e inning. Chesterfield no ke keda atras y ta anota dos den e segunda mitad di e promer inning. Emanuel pa habri cu hit y ta roba segunda. Pantophlet y Vorst ta conecta hit sigui pa empua Emanuel. Cijntje ta e promer out cu fly pa segunda, pero Bailey ta conecta di hit empunhando Pantophlet

y adelantando Vorst te tercera. Brown ta como ponche; mientras cu Jack ta fly out pa centerfield pa completa e tercer out. Den e segundo inning despues di un out Chesterfield ta anota un carrera atrobe. Blijden ta embasa pa mal tiro di e tercera base y ta sigui te segunda.

Un fly di Emanuel pa centerfield ta bira e segundo out. Pantophlet ta conecta un difícil rolleta entre tercera y short cu ta haci shortstop di Heineken's Bryan luci haciendo un gran atrapada. Pero e tiro di Bryan ta malo y asina Pantophlet ta yega safe y Blijden ta anota e tercer carrera di su equipo. Heineken's ta anota dos den e tercer inning ora cu despues di un out Stenen ta embasa cu su segundo hit pero e ta wordo forza na segunda ariba un rolling di Kruthoff. Esaki ta roba segunda y tambe tercera despues cu Marquez a ricibi base por bola. E tiro pa tercera a scapa e tercera base y asina Kruthoff a sigui pa home. Un siguiente error di e tercera base ta permiti Cijntje embasa y Marquez yega tercera. Haciendo slide na tercera Marquez ta lesiona su pia y mester bandona e partido. Wallace Peterson a ocupa su puesto. E hungador aki a haci e score 7-3 ora cu ariba un rolling di Peterson e shortstop Pantophlet a comete error. Despues di anota dos carrera den e quinto, Chesterfield a anota tres bisha mas den e sexto pa tuma ventaja pa di promer mitad den e partido. E dosnan di e quinto a wordo anota den e siguiente forma: Emanuel ta habri cu hit pa centerfield pero un rolling di Pantophlet ta forza Emanuel pa out number uno. Vorst ta ricibi base por bola y luego Cijntje ta conecta hit pa leftfield caminda e leftfielder ta comete error tambe. Pantophlet ta anota ariba e error aki y cu e tiro malo pa infield cu a sigui e rapidísimo Enrique Vorst tambe ta anota. Bailey y Brown ta

cerra e inning cu bombo pa pitcher y segunda respectivamente. E tres carreranan cu a pone Chesterfield ariba a wordo anota den e sexto. E abridor Jack ta embasa pa base por bola. Sharpe ta rola provocando otro error loke a permiti e corredor anota tercera y segunda base. Blijden tambe ta conecta rolling pa tercera pa un otro error y dos carrera. E tiro buxando Blijden na segunda tambe ta malo y asina e corredor aki por yega te home. Na e momento aki e pitcher Peterson di Heineken's ta wordo cambia pa Nijez. Burke ta sali di e partido pasando Peterson pa leftfield.

Emanuel ta ricibi base por bola y ta roba segunda pero e dos siguiente bateadores Pantophlet y Vorst ta lamenta fly pa pitcher y leftfield respectivamente pa completa e tercer out. Cuatro carrera mas ta wordo anota den e septimo outero pa Chesterfield. Bailey ta conecta e promer hit contra di Nijez. Un tubeyote di Brown ta adelanta Bailey te tercera. Rolling di Jack ta resulta den e promer out sin cu e corredor por a avanza. Sharpe tambe ta rola ariba shortstop, pero catcher Escalona ta laga e tiro di Bryan cai pa asina Bailey anota. Un toque di Blijden ta yena e basenan. Deadball pa Emanuel ta empua un carrera forza. Pantophlet ta e segundo out cu fly pa rightfield, pero e rightfielder buscando e doble matanza na primera ta haci mal tiro permitiendole Sharpe anota. Error di e segunda base ariba rolling di Stenen ta permiti Blijden anota. Vorst ta e tercer out cu rolling pa segunda.

Heineken's ta reacciona poco den e octavo anotando dos carrera. Wallace Peters ta embasa pa base por bola. Petersen ta conecta su promer hit. Despues cu Peters a roba tercera e ta anota ariba fielder's choice cu rolling di Escalona Heins ta embasa cu error di shortstop. Luego Nijez ta ricibi pasaje gratis pa yena e barco di turista. Clark ta e segundo out cu ponche, pero Whitfield ta ricibi pasaje gratis pa un carrera forza. Linea di Stenen den man di shortstop ta cerra e inning. Chesterfield ta haci e score 14-9 anotando dos mas den e segunda mitad di e octavo inning. Pitcher ganador di e partido a resulta Jack y peñador Peterson.

Heineken's a conecta 7 hit, ricibi ocho base por bola y 4 ponche, mientras cu Chesterfield a conecta 11 hit, ricibi cinco base por bola y 2 ponche. Cada novena a comete nueve error. Esaki ta bista derrota number cuatro pa Heineken's cu diaviera anochi a ricibi nueve ceros cerca Dodgers.

Cumpleaños feliz

Pa cantata di

KAN

E MEJOR opa di Regalo

Señor Andresito Croes, kende ta celebra su cumpleaños awe, ta ser felicita pa su amigonan di Santa Cruz Bar.

Tambe ta di fiesta awe señor Antonio Porfirio Lopez y ta ricibi felicitacion di Francisco Koolman, Juan Wernet, Roelmo Vrolijk, Bochi Flanegin y Rey Dubero.

A completa diez anja di feliz existencia awe e hobencito Antonio Kelly. Felicitacion ta bini di su tata y mama, rumannan Josef, Juan, Santiago, Cecilia, Prudencio, Bartholomeo, Juanita, Etmon, Maria, Dionisia, tanta y omonnan, su juffrouw y tur su amigana di 4de klas na Noord.

Su mama, teta, rumannan Ru, Edy, Mery, tanta y omonnan, primonan, especialmente su amigonan ta laga felicitor e caballero Sixto Schwengle, cu a cumpli 19 anja awe.

CADA REGALO TA BONBINI PERO DOBEL BONBINI TA

Un REGALO compra serio

KAN

Nassaustraat 47 - Oranjestad

Pa seniorita Maria Cleopa Figaroa, cu ta haci 18 anja awe, ta bai hapi papiu di parti di su tata Jacinthia, su mama Josefa, rumannan Jose, Diana, Mercedes, Juliana, Mito, Carmen, Regina, Mariano, Benito, su welo y welan, tantanan y omonnan, primo y primanan, su madrina Johanna Velasquez, Maria Semeler, su amigana Alejandrina, Nishilda Tromp, Flora, Chita, Oviya, Ninita Kelly, Frida Poirier, Isabela Sapuano, Rosa Ridderstap, Dita, Juanita Jacobs, Anna, Nicolista Wolff, Rosa, Petra Croes, Presentacion Hayden, Josefa Tromp, Mariana Kelly, Maria y Francisca Figaroa, Bertha, Victoria, Jacinthia, Cecilia Kelly, Rita Croes na Corsow.

Nos ta laga feliciteer tambe e siguiente personanan cu a haci anja awe: señor Julio Quijada, 55 anja; señora Olga Perez de Gonzalez, 26 anja; Robi Hernandez, 4 anja.

Su tata Jopi, su mama Elsa, rumannan Kenneth, Errol y Leroy ta desea Erwin Desbarida cu a cumpli 6 anja awe hopi felicidad.

Masha papien nos ta llama Maria Limohier cu a haci 6 anja awe, su nona y su mama Maxima, rumannan Nishilda y Jopi.

Pa aviso y tur correspondencia pa "Arubaanse Courant" dirigibei na: Nassaustraat 47, Oranjestad. Telefon 1116 - Surina y Aruba 2114 - Surinam y Guayana Francesa.

Numero suita di ARUBAANS COURANT pa wordo obtene na San Nicolas na Union Store, Mainstreet.

AGENDA

Dinmari 9 di April

DE VEER THEATER 20.30: El Charro Inmortal

REALTO 20.30: El Charro Inmortal

PRINCIPAL 20.30: 20.00 Leagues under the Sea

AURORA 19.30: El Vividor

SAVANNA 19.30: The River Changes

RADIO KILKBOM

2.30 m. — 1435 kcl.

11.30 Musica cu Angel Villoria

11.45 Luis Smit

12.00 Lunchmuziek

12.30 Nieuwsberichten

1.00 Bobby Capo

1.15-1.30 Juan Polanco

4.00 Prog. Cita a las Cuatro

4.30 Estrellas Lucky Strike

4.45 Chanson de la nuit

5.00 Programma van Winkel

5.30 Fernando Fernandez

5.45 Danceton su piano y ritmo

6.00 Pedro Vargas

6.15 Cumpleaños feliz

6.30 Dinermuziek

6.55 Voorlichtingsdienst

7.00 Noticies (Papi)

7.15 Musica Varta en

7.30 Musica na Hulandes

7.45 Nieuwsberichten

8.00 Musica Norteamericana

8.15 Novela "Ma e die Nadie"

8.30 Manuel Briceño

8.45 Musica cu Porro

8.55 News in a Nutshell

9.00 Pamplante Les

9.30-10.00 Peticiones

457 m. — 155 kcl.

06.00 Apertura

06.30 Dushi amanecer na Aruba

06.30 Manhatan Antillana

06.45 Ritz's Chachacha

07.00 Dedicacion a oyentenan na exterior

07.30 "Parada Internacional" — musica for di diferente pais

08.00 Clausura (te 12.00)

12.00 Apertura

12.05 Melodias Hulandes

12.15 Noticias Internacional y Antillana na Hulandes

12.30 Selección di meridia

13.00 Mundo en marcha

13.15 Noticias Antillanas

13.30 Musica contra su radio

14.05 Novela "Doe contra el mundo"

14.00 Clausura (te 18.00)

18.00 Apertura

18.05 Complacencia Rey de Copas

18.00 Vespertina musical

18.00 Maria S. Arends presentando:

18.05 Bo cresta

18.30 Musica Latino-Americana

18.30 Informaciones di gobierno

19.00 Pablen y melodias popular

19.30 Besumen di Caribe na Hulandes

19.45 Musica Americana

20.00 Noticia na ingles

20.15 Arubaanse Muziekchool

20.30 Novela Colgate-Palmolive

21.00 Fantasia musical pa cortesia di Mario S. Arends (tur prime y tercer Diamas di luna) di musica varia

22.00 Y finalmente: un mei ora di musica clasica

22.30 Clausura

y... MESKER ta decha mi MEUBELMAN

ni, Chichi, Ildo, Adelicia, Sabina, Annie, welanan primonan, amigonan di 7de klas di Maria Goretti School na Paradera y tambe di Pascual Diaz.

Riba nos lista di awe nos tin tambe number di e hobencito Wolter Everon cu ta celebra su fecha natal y cu ta ser felicita pa su mama, su tata, rumannan Mery, Cila, Winy, Vi, wela y welo, tantanan, Lenny, Jenny, Rosario y Franklin Naranjo, su madrina Maria Helena Britten, su padrino y Ria Maduro, y e

WURLITZER

Juke boxes

Piano's

Electronische piano's

Ongeëvenaard

in

kwatiteit en klank

Importeurs

Fa. J.A. NIEUW

Tel: 1 2 2 7

SHOWROOM: KERKSTRAAT 15



BABY CHICKS

LOVE THAT FEEL

Lipscomb

AREND'S AGENCIES

Tel. 1478

OTRONAN TA HACI BO BIDA MAS COMODO



Saliendo for di su cas cu su nieto riba su brazu i cu su Arubaanse Courant den su man, nos a tuma e foto aki, di Estela Arends biba na Tanki Leondert 114.

E senjora aki ta un di e hopi nan cu a conoce e tempo cu no tabatin luz eléctrico.

Nan a conoce e tempo di scuridad, cu solamente lampi di kerosine.

Danki na electricidad, su nieto en cambio lo conoce solamente tempo di luz electrico.

Iluminacion eléctrico a bira indispensable den e mundo aki pa tur hende. Pa bo tambe. Abo tampoco lo no ta sinta den scuridad anochi mas. Den tur bo kamber nan bo tin suficiente luz ta sende. Bo bida ta mas comodo cu electricidad.

CORRIENTE TA HACI ASINA HOPI

I TA COSTA ASINA POCO

esaki ta un publicacion di



Oduber & Kan inc.

Opticians tel. 2193

TA PRESENTA

Charlotte y su fatal destino

pa TUYUCHI:

NO 34

"Por favor, Vivian, no grita asina tanto".

"Mi no ta desea pa bo papia cu mi na e tono 'ai', el a grita e muhe; e pia plega ariba e yuda tabata mucho entre nos dos. A yega te, pa awor pa bo haci trobe loke bo casa ta bisa bo. Bo ta comprende mi, Bini aqui."

Tur loke tabata den Charlotte a opone, como e atmosfera den e cuarto al tabata sofocante.

"Pa wouber di Dios, Vivian. No bolbe cuminsa asina trobe. Mi ta suplica bo, bira bo mes trobe. Corda quico b'a promete mi, cu lo bo trata mi cu respet."

"Awor e hombre a grite hari. I den harimanto el a gara e muhe i a hal'e cerca dije."

"Mi ta mi mes. Yiu, qui dushi bo ta hule. Bini, hipocrita. Munstra un poco amor, mes amor cu prome cu nos a casa. Tira e moralidad ai di e unbanda un rato, lady Chase.... Mi ta gusta mira bo cu menos panja na bo gurpa."

E no tabata risca bisa e hombre cu e no tabata desea ningun momento sol riba sorto di admiracionnan baho asina. I e tabata repugna qui ora cu e hombre burache aquil mester a mishi sol cun'e.

Envex di esai e tabata reza pidi cielo dun'e forza i pacenshi i el a cerra su wowonan.

E hombre a ranea su blusa habri pa e por a mir'e lomba sunu. E ora ai pa su mala suerte e tarbeta di Dominic a cal riba e cama. Charlotte a trata na cohe l'he, pero Vivian tabata mas l'he cun'e. El a tone esaiqui bao di luz di lampi i ora cu el a leza esaiqui su direccion i su number, el a basha un grito di harimanto.

"Wel, wel. Esaiqui ta bunita. Nunca mi n' por a sospecha. The Right Honourable Dominic Unwin, Albany London. Ta e hombre ai ta manda a wori. Ta esai te principio di bo ensueño? Wel, esaiqui ta bunita. Nunca mi por a quere."

Convulsivamente Charlotte a guli algo cu e quier a bisa.

"Sr. Unwin a pensa cu ora cu nos bini London, na Staten Square.... lo nos por a bai bishita e'e direccion aqui."

"Vivian a skeer e tarbeta chiqui-chiqui."

"Asina.... nos ta haci cu direccion di Señor Unwin. Mi no ta pensa n'inguna momento sol di bai honra e malora ai cu un bishita. I mi no ta permiti esaiqui tampoco na mi muhe. Large bai busca un otro muhe numa. Si ta amor e por a baxa pa mi muhe, wel larga e saca e cos ai masha l'he foi su cabez."

"Oh, qui miserable bo ta", e muhe a marmurra, mientras e hombre tabata ranke na su shimis i na su cabel.

E tabata hari i tabata sunchi e muhe violentemente.

"Charlotte tabata trata na tur maneja di los foi e hombre loco aqui. Pero e no por a los. Awor el a cuminsa ta saik."

"Señor Unwin ta un caballero fini, un hombre di caracter noble i mi ta su direccion foi mi cabes. Mi no tin mester di e tarbeta ai. Mi sa precisamente unda mi per hanje ora mi tin mester di su ayudo."

"Si? Tur mucha cabez vra? Anto cu un yiu cu apenas tin dos luna? Bo ta un mal muhe."

"Mi no a haei nada malu. Solamente mi a sinja conoce Señor Unwin como un amigo."

"Esaiqui anto ta termina boso amistad", Vivian a bisa i a dal Charlotte un bofta den su boca.

Despues di esaiqui Charlotte no a bisa nada mas i a perde tur speranza riba un bida normal trobe cu Vivian. Mientras e hombre tabata b'raz'e duro, Charlotte tabata pensa:

"Esaiqui a pasa trobe. Lo e percura pa hamas mi tin un encuentro trobe cu Unwin."

Pero hasta den e scuridad cu tabata rondon'e, e tabata mira e bista sierna di Dominic dirigi b'raz'e di e a tende su stem:

"Mi pover yiu.... lo mi n' por yuda bo?"

Esai e n' tabata por.... ningun hende no por a yud'e. E tabata marra

pa semper na e hombre bestial aqui, cu lastimamente tabata tata di su yiu. I den e ora aqui e mester a bebe dje copa amarga di desenganjo i desesperacion, te den su bini.

CAPITULO XV.

Nuebe anja despues.

Charlotte tabatin un ora caba lamba foi sonjo ora cu Gertrude a bati na dormitorio di su maestra, pa spier ta esaiqui cu un koppi di thee.

Tabata un mainta gashia friu di November. I e criar tabata masha buca di mira cu su maestra do a tira ni un velo riba su lomba sunu den tur e frialdad aqui.

"My lady", el a protesta, "bo ta capaz di cohe friu. Lo mi jama e criaman upbez pa han bini cende fogan."

Charlotte a sonrei. I el a pone e corant cu e tabata leza unbanda.

"Mi n' ta sinti asina friu, Gertrude. Pero mi mester reconose cu ta parce manera ta friu p'for."

Entretanto Gertrude a habri e cortinan i Charlotte a mira cu tabatin nieve riba arbolnan sin bladchi den Eaton Square. El a gradici Charlotte tambe ora cu esaiqui a trece un shal di lana i a tapa lomba di su maestra cu esaiqui.

Ultimo kumansa Charlotte tabatin un verkoud fastioso cu no quier a quita foi dje. I e tabata prefera di queda Clunes, na unda e aire di afor tabata mas mehor p'e, cu na London cu tabata nebuloso. Pero Vivian mes tabata prefera di pasa invierno na London i ta p'esai lo nan mester a bai pasa algun luna na Eaton Square.

Clunes tabata cerra i solamente te na dianan di Pascu lo e ser abri.

Awor cu administracion di Clunes tabata completamente den man di Vivian e tabata dispidi placa terrible i tabata duna fiesanan un tras di otro. I tabata trata cada bez na haci su fiesta ainda mas grandi cu esunnan di su amigonan.

Gertrude a puntra:

"Bo quier gasta bo desayuno poco mas tempran awe, my lady, unabez cu toch b'a lamba mas tempran tambe?"

"Si e ta cla, cu mucho gusto."

"I despues lo mi manda Srta. Macdugal pa bo, pa papia cu bo dje di ner di atardi?"

"No Gertrude — awe noch mi n' ta na cas — bo n' tabata sa?"

"Oh si, como no. No tuma mi na malu, my lady, pasobra m'a lubida."

Charlotte a continue:

Majan lord Chase ta bini cas trobe — bisa Volpo p'e drecha i limpia den cuartanan di Vivian."

"Lo mi b'le, my lady."

Gertrude tabata masha pega cu su maestra i e tabata sa tambe cu Volpo tabata un enemigo dje maestra di dje. P'esai tabata un encargo fastioso el a dun'e aqui. Poor ainda cu esaiqui tabata nifia un fin na e periodo di tranquilidad i paz den e cas aki. Cu excepcion di Volpo, enter e personal a goza masha dje tres luna di ausen-

cia di lord Chase.

Gertrude i Volpo tabata enemigo mortal di otro i diferente bez caba Volpo a instiga Vivian pa esaiqui cotre cu Gertrude i busca un camarera mas hoben. Sinembargo Charlotte no tabata quier a tende esai. I a para ariba cu e no tabata desea pa cambia Gertrude pa ningun otro camarera unavez cu e no a haci nada malu nunca.

Gertrude tabata percura masha bon pa Charlotte i e tabata mucho bez un consuelo pa e muhe aqui i en realidad Charlotte a bin comprende cu e muhe aqui tabata compadece den su triste suerte.

I ora cu e tabata mira Vivian den mal bijs, e ora ai praticamente e no tabata quita foi Charlotte su lado. Casi pa su motibo e tabata scapa Charlotte di hopi sla, pasobra e no quier a larga e criaman comprende como malu e tabata trata su muhe.

Sinembargo anjanan no a drecha Vivian. Alcontrario.

Despues di asina tanto fortuna cu el a hanja, su exigencianan a bin bira mas tanto awor.

Drumi riba su cama Charlotte tabata mira com e mucha muhanan tabata cende e fogan. Pronto e prome vlamnan a subi i a cuminsa ta cainta e cuarto friu di dje. Satisficho Charlotte tabata goza di un dia mas. I e quier a pasa e dia di awe mas goza posible. Majan su martirio lo cuminsa trobe, pasobra Vivian lo t'equi.

Majan lo e mester ta cla pa tur exigencianan di Vivian. Tres luna largo e por a dedica su mes enteramente na su yunan.

Despues di Eleonora ainda Charlotte a bin hanja dos yiu muhe mas. I tur e dos heznan aqui el a lamba mas tanto indignacion di Vivian, pasobra esaiqui tabata desea un yiu homber, un heredero universal di Clunes. El a prohibi Charlotte di cuida su muchanan i a busca jananan di yiu especial pa e muchanan aqui, hasta e no tabata quier ni pa Charlotte mes alimenta e ultimo baby. E tabata exig e muhe completamente p'e sol manera un pida prenda of un propiedad cu e tabata contempla.

Pasobra e cos di mas strango tabata, cu no obstante Charlotte su existencia satisfactorio naturaleza tabata favorece cu e belleza creciente, no obstante e sufrimantonan.

(E ta sigi).

Trata bo wowo nan cu delicadeza! Nan merece esey!

Nan ta bo mejor amigo! Laga samina bo bista i traté cu esmero!

Cu gusto nos ta yuda bo!

ODUBER & KAN

Optician den Nassaustraat No 47.

EL CISCO KID

Por José Solinas y Rod Rod



Na un solo galop e dos cabanain ta rancia bai cu Guero y e gordito y tambe e equipaje cu nan a coge. "Nos tin cu bai locuw, pa nos los e oro", Guero ta bisa Gordito y esaki ta puntrle: "Kiko nos ta bai haci cu ne?" Despues di un rato nan a llega na un lugar solitario, caminda nan a hanja oportuno pa sconde loka nan a horta. Guero ta cuminsa coba un buraco den suela mientras e ta bisa: "Nos ta sconde aki nan y nos lo holbe sakele cualke ora." E gordito mes ta para cu e carga pisa den su man, wardando Guero termina cu e buraco. Mien-

tras cu e maldad aki ta tumando lugar pa un banda, e otro banda, e sheriff, Cisco y Pancho y tambe hopi otro homber mas, ta camina na un trupa den busca di e dos bandidonan ei. Al fin e sheriff ta bisa: "Cisco, mi no por sigui busca Guero y e gordito, e hurisdiccion aki no ta di mi." Pero Cisco cu semper ta cla pa dicide su plannan, ta responde: "Masha bon. Pancho y ami lo busca nan anto." Y asina e busqueda, peligroso aki ta cuminsa atrobe, cu solamente dos valiente manera: Cisco y Pancho.

Tom Richardson, detective di fama mundial

E MISTERIO DI DEN E ZOLDER

Pa TUYUCHI

Un terrible descubrimiento

Tabata cai un awacero torrencial! Na ambos lado di oceanu mamanan di cas activo tabatin molester di esaki. Mas peor cu esai ainda: tabata un berdadera calamidad pa nan ora cu tur kranchinan di cielo tabata abri anchu, net riba e dia cu nan quier a colega nan panja blanco manera nieve cu nan a caba di laba, pa seca afor.

Asina tambe a pasa Senjora Nelly Borton na Otonjo di 1920. E dama aqui tabata biba hunto cu su casa, un cocinera i un criar di cas den un bunita villa den Kingstreet, na Bronx, un cuartel di ciudad na Noord di New York.

Como tabatin asina tanto yobida, contra su bolutad e muhe aqui tabatin di colega e panjnan laba riba zolder, cu tabata wel suficiente grandi toch. Partí di atardi e trabao aqui a termina.

Pacientemente John Borton tabata sinta ta tende na ora di diner e quehonan diario di su muhe i e homber a come pura i a tumba bai su trabao cu tabata queda pega cu su villa. Dia di laba panja no tabata dibertido na cas.

Su muhe a duna e kokki su ordenan pa cuminda di atardi i a manda e camarera ciudad pa e bai haci algun compra.

E mes a bai sovega un paar di ora i banda di 6'or el a bai riba zolder pa e bai mira cu e was a seca.

E camarera a yega casa pa banda di 6.30 i corto despues tambe a aparece Senjora John Borton mes.

Ora cu Borton, un homber di 40 anja, a drenta comedor, el a queda stranjo cu ainda mesa no tabata drecha, manera sa e ta custumber.

El a bati klok jama e camarer. "Ta di com mesa no ta drecha ainda?" el a puntr.

E camarera tabata mes asombra cu su maestro.

"Mi n' sa, Senjor. Quizas cu senjora por a duna e kokki cualquier respondi?"

"Jama e kokki pa mi". Esaki a bini unbez.

"Senjora Borton a bisa mi masha dia caba cu mi no mester drecha mesa sino te ora cu e manda mi. Awe senjora no a bisa mi nada. I mi mester bisa acerca cu esai ta stranja mi tambe masha".

"Unida senjora ta?"

"Senjora lo mester ta den su cuarto, esta cu e no ta riba, pa bai mira e was."

John a drenta cuarto di su muhe, pero aqui e no tabata.

"Oh, quizas cu e ta preocupa ariba cu e was", e homber a bisa den su mes i el a murmura algun paar di palabrá, cual tabat muntra cu awe e tabata di masha bon humor.

Bai ariba bai jama senjora. Probablemente cu el a exagera den ora."

E mucha muhe a bai ariba, pero a bolbe trobe 5 minuut despues.

Senjora Borton no ta riba zolder. No obstante cu un pagti dje was ta secu cba, pero toch nan ta colega na waya ainda. Pues ta casi sigur cu senjora lo no a bai ariba anto."

"Bo ta papia soquetada! N'e ora"

aqui nunca mi muhe no sa sali toch bai ningun camina".

"M'a camina rond tur camina riba zolder i hasta m'a grita senjora".

"Pero ta unda mi muhe por ta anto? Bam mira. Boso tur dos bai busca mi muhe".

Ambos crier a bai ristra den tur cuarto na tur camina ariba i abao, sin embargo nan no a mira e muhe.

A lo larga nan a bolbe baha i a bia bisa e homber cu tur nan molestet tabata enbano pasobra nan no a hanja e homber.

I e homber a para ta consumi.

"Pero pa Dios, ta unda e muhe di malora ai por ta awor aqui anto? Basta no ta dispare e el a dispare asina sin larga ningun razgo? E por a bai caba quizas na cualquier bishita?"

E camarera a sagudi cabez.

Imposible, senjor! M'a mira den kashi, na unda senjora ya tin custumber di warda su sombra i mantenan;

"Wel, bai informa bicinjanan anto cu nan por sa algo di dje."

Ambos crier a obedece awor. John Borton a cuminsa ta bira intranquilo. Ya e no tabata sintie bon mas.

E tabatin 15 anja casa i awe tabata pa di prome bez cu un tal cos a tuma luga.

Su muhe casi tabata fad'e pa motivo di su puntualidad i cumplimiento cu su debernan. I si acaso mes si por a socede un bez den anja cu e mester a sali pa un of otro respondi, semper e tabata larga un respondi atras, den cual e tabata bisa unda el a bai.

John tabata camina tur excita ta bai bini. Di antemano e tabata sa cu su muhe no sa tin custumber di bai cerca bicinjanan.

Corto despues ambos crier a regresa trobe i a bin bisa cu nan no a hanja senjora.

"Esaki si ta un cos stranjo", John a bisa, mientras el a cuminsa ta bira bleck. "Quizas e tabata cansa i lo el a cai drumi pega sonjo meimei di e wasnan. Bam nos tur ariba".

E homber a cuminsa ta sinti un ansia panica. Paquico, esai e mes no por a bisa. E tabatin un presintimiento horrible. I ta p'esi mes el a larga e criaman bai ariba hunto cum'e. Masha ora nan tur tres a corre subi e trapi bai ariba.

E camarera a bai cu un lampi, pasobra ya a cuminsa ta bira scur.

John Borton a subi e trapi prome; e camarera tabata camina pega su tras cu e lampi tene na lantia pa luza camina p'e.

Tur camina e waya di panja tabata i span. Na tur e wayanan tabatin panja colega, de la manera cu hende no por a mira bon tur camina riba e zolder.

"Nelly, Nelly", Sr. Borton a grita. Ningun contesta.

"Enfin larga nos sigui buske, pasobra quizas e por a cai malu i ta"

drumi den cualquier huki dje luga aqul".

I bisando asina un ansia panica a ataca e pover homber. Su garganta a cerra i su curazon a cuminsa ta bati cu violencia.

Poco poco nan a sigui mas leu i alafin nan a yega cerca e muraya p'atras dje zolder. Net dilanti dje muraya tabatin un dekel i span, cu tabata colega te riba suela.

"Senjora no t'ai, bo mes n' ta mira Senjor?" e camarera a bisa.

"Spera un rato". Borton a cohe e dekel i a hala esaki atras i e mes momento el a escapa un grito horrible.

El a larga e dekel bai trobe i a hosika bai atras i foi su boca tabata sali awor quehodonan penoso.

E dos criaman cu no a mira nada tabata paraliza casi di spanto.

"Por Dios, mester ta quico ta pasa bo? Por Dios..." responde.

(E ta sigui)

R.C.A. TA HUNGA SU ULTIMO PARTIDO AWE NOCHI CONTRA CARIBE

(Di Nos Sportreporter)

O'STAD: — E ya campeon quinto di R.C.A. lo hunga su ultimo partido di e campeonato masculino clase A awe nochi contra di Caribe. E promer encuentro entre e dos quintetonan di e campeonato a termina den un victoria pa R.C.A. cu score di 41-24.

Cu e cinco victorianan obteni caba R.C.A. ta campeon y asina ta cu resultado di e partido di awe nochi no ta haci diferencia pa e quinteto di Solito. Caribe tin actualmente cuatro vega hunga di cual nan a gana dos y perde dos. E equipo campeon di 1956 tin unicamente speranza ainda ariba e segundo lugar cu ta worde ocupa actualmente pa Chinese club. Si Caribe logra un victoria awe nochi contra di R.C.A. y tambe e resto di e partido contra di Aruba Jrs, anto e indiconan ta pasa pa e segundo lugar. Tambe naturalmente por surgi un empate den segundo luga, si Caribe perde un y gana e otro di e dos partidonan cu e falta ainda.

E promer encuentro awe nochi lo ta entre e equiponan masculino clase B di Chinese Club y Aruba Jrs. Posicion di e dos equiponan aki ta lo siguiente. Aruba Jrs tin 4 wegá hunga 2 gana y 2 perdi, mientras cu e quinteto chino tin 4 hunga, 3 gana y 1 perdi.

E partidonan aki lo tuma luga riba cancha di Caribe.

TUR E CANDIDATONAN PA TYPEXAMEN A SLAAG

ORANJESTAD: — Diasabra pasa tabatin examen di type di e muchanan di Centrale Aruba cu ta onderafdeling di St. Genesius Bond pa Praktijkdiploma, velocidad 200 aanslagen pa minuut (o segun standard americano: 40 palabrá pa minuut).

Tabatin 13 candidato; y tur 13 a sali bon, y e trabao presta tabata excelente. Eman cu a slaag ta:

E damanan: Editha Maris, Emma Maris y Filomena Wong di St. Filomena College.

E caballeronan: Errol Bardouille, Felix Bardouille, Hubert Caster, Theo Hennepe, Edjon Jacobus, Elias Mansur, Victor Paula, Adalberto Soto, Fortuna-

to Wever, Epifania Wever di St. Dominicus College.

En coleccion cu e resultado aki ta di bisa cu awor e muchanan aki ta posee tres certificado: pa trabao correct, 20 palabrá pa minuut y 30 palabrá pa minuut y 2 diploma entre otro A- diploma (velocidad 150 aanslagen pa minuut) y Praktijk-diploma (velocidad 200 aanslagen pa minuut).

HEFE DI TRABAONAN LO BOLBE REUNI DIARAZON MERDIA

ORANJESTAD: — Diarazon merdia hefenan di Eilandssdienst nan lo bolbe tene nan reunion mensual den vergaderzaal di Eilandssraad.

E bishia aki-senior E. Bartels lo ta presidente.

AWE ARUBA A HANJA ALGUN POLIS MAS

ORANJESTAD: — Segun nos a ser informa awe lo jega na Aruba seis polisnan di Corsow, ba reforza e polieticorps di Aruba.

Na luna di Mei e curpo di polis na Aruba lo worde extende cu algun aspirant agenten, pero ainda e cantidad no ta conoti, esai ta depende di e cantidad cu lo slaag pa e examen di polis. Mas parti e polisnan aki ta jiu di Corsow.

SKIRBI STRAFREGEL NA WADA DI POLIS

ORANJESTAD: — Diasabra merdia polis a bini un tipo di Consul Americo cu tabata muchanan baldadi ta benta piedra. Poco despues un paroulle di polis a logra obte dos di nan. Nan tabata O.S. y F.T. tur dos di 12 anja di edad. Pa straf e hobenan aki mester a skirbi algun strafregel na wada di polis, mi no mag benta piedra na un consul".

SCONDI DEN RIOOL DI ORANJESTAD

ORANJESTAD: — Diadomingo atardi polis a descubri ocho mucha homber den un di e tubonan di rioleria baw di terra entre Wilhelminastraat y Massastraat.

Dos di e muchanan a sali ei for ora nan a papia formal cu nan y nan a hanja un bon skual. Sobra di e muchanan a keda scondi baw di terra den e tubo y si e polis no a sigui camina bai, kizas nan lo a keda ei bou te awe.

E JIU A TUMA VENGANZA

ORANJESTAD: — Diadomingo atardi nan a yama polis pa un bringamento den Arendstraad. A resulta cu papa N. a bringa cu su jiu homber. Pasobra e jiu a rabia pa e palabranan di e tata el a kibra glas di e truck dje tata. Polis a hanja e jiu despues serka concordinan di dje y nan a papia formalmente cunc.

JEHOVA'S GETUIGEN CONTRA LENIN'S GETUIGEN

ORANJESTAD. — Haciendo e keho cu oficialnan Sovietico "podiser lo worde bayo actualmente como bringador contra Dios", un corte di protesta cu palabrá masha fuerte a worde manda na Premier Nikoel A. Bulganin di Rusia: fof Sociedad di Bijbel Watchtower, cuerpo gubernante di Testigo di Jehovah. William R. Yeatts, ministro presidente di congregacion Arubiano na Oranjestad, den su discurso dje contendo dje carta, a haci referencia na e manera cu testigo di Jehovah a worde aresta y hiba en masa en campo di trabao di esclabo na Siberia.

"Ta haci hopi anja awor", e carta a bisa segun Sr. Yeatts, "cu testigo di Jehovah paden di Union Sovietico a wanda dificultad masha grandi y persecucion masha pisa. Nan a forma comite y delegacionnan di nan mes ministranan pa e proposito di registra nan organizacion religioso segun estatutonan den vigor, pero na cada ocasion nan a worde rechaza y embes di ser permiti di registra nan organizacion Cristian, e ministranan den e delegacion tabata aresta".

E carta a worde scribi pa companja un peticion compoisto cu a ser adopta den e nuebe luna cu a pasa pa un total di 462.936 testigo di Jehovah cu a reuni den 199 asamblea rond mundo, incluyendo cientos di Antillas Holandesas. El a yama atencion na e 7.000 testigo di Jehovah cu ta conoti di ser cera den campo di esclabo den Union Sovietico y pidiendo liberacion di nan, a propone cu un delegacion ser permiti di procede fof oficina principal di Sociedad na Brooklyn, N.Y. na Moscú pa completamente informa e gobierno Sovietico di e dol y proposicionnan di testigo di Jehovah.

"Nos a haci esai solamente cu bon fe", Sr. Yeatts a bisa. Despues dje adopcion dje peticion na cada asamblea, coplan di dje tabata manda pa post segura directamente na Moscú y un copia tabata entrega personalmente na cada embahador di Rusia den cada tera. Mayor parte di embahadornan a nega di mira nos". Sr. Yeatts a informa, "pero nos a combersa cu algun oficial diplomatico di Rusia toch. Pero, asina leu, e gobierno Ruso a ignora nos peticion completamente".

Ademas, ora cu un copia a worde ofrce na embahador, hopi dje Ruso-

nan a nenga di accept'e, ni no kier a pone man riba dje, como si e tabata dinamit. Otronan a porfia cu hopi mentira a worde circula tocante Rusia y a haci hopi mofa ora e nomber di Jehovah Dios a worde menciona y a declara cu e ley di Rusia ta mas halto cu ley

di Dios y cu e mester ta obedeci na Rusia".

Apes di tur es motamento, e carta di Premier Bulganin cu testigo di Jehovah ta para cla pa manda su delegacion na Moscú pa e discusion proposicion den e peticion.

"Quizas nan corazon lo ser haci duro contra nos mescos cu Faraon hopi siglo pasa ora Moises tabata manda na Egipto pa demanda libertad pa e pueblo escogi di Jehovah di modo cu nan por ador'e sin atrobacion", Sr. Yeatts a bisa. "Pero masha e comunista ta sigui aresta nos ministranan, manera nan ta haci den Rusia y mayor parte di tera satelita, e testigonan di Jehovah mester — y cu e yudanza di Jehovah Dios — lo sigui hiba un bida Cristian y adora Dios haltísimo".

Club Estrella a scohe directiva nobo

ORANJESTAD: — Diadomingo mainta den club di "Estrella" na Santa Cruz e miembronan a tene nan reunion anual di miembronan pa e consideracionnan di tur anja y pa elegi un directiva nobo. E sociedad aki ta un onderafdeling di St. Jozefbond. E eleccion di directiva a bai facil y a keda nombra: presidente Eleodoro Wester, vice-president Julio Luydens, secretario Lorenzo Rasmijn, tesoroer Titich Croes, y comisarian frere Gerardo, Willem Croes, Jacinto Werleman y Braulio Wester.

Ya caba e directiva nobo aki di e club activo menciona a duna di conoce cu nan lo traha den anja entrante mes duto cu den pasado e otro directivanan a haci. Hopi palabranan di aprelo a worde expresa durante di e reunion tocante di e trabao bon cu e miembronan a presta durante di e anja termina riba voerbald.

E veld aki, cual di un banda ta 2 meter alto y e otro banda tin hopi dificul-

tad ora cu awacero cai awor a worde haci completamente glad, mientras cu e muraya cu nan a traha na e banda di awa for di awor lo pofe cu e veld lo no keda baw di awa mes.

En vista di e hecho cu e veld di "Estrella" a bira awor un di e veldnan mas bunita di Aruba, nan a trece dilanti durante di e reunion cu tin un bon chens cu e trainer di futbol di bond den futuro lo scohe e veld di "Estrella" pa training.

En cuanto e sobra actividadnan di e club pa anja 1957 directiva lo trata di haci bira posibel cu e miembronan di e club lo por bai presencia pa Corsow e gran encuenfionan di sport internacional.

Ademas na ocasion di e di dies anja di existencia di e club na September proximo lo nan organiza un fiesta grad-

REMITIDO

(fuera di responsabilidad di Red.)

Sea asina bon di permiti un espacio den bo Organo, pa mi por haci publicacion di lo siguiente.

Hopi bishia bo ta lesa den e mes Organico aki, di e casanan jama "Peeping Tom" ja esakinan ta conoci caba pa henter pueblo di Aruba. Pero no ta solamente Peeping Tom ta existi, sino tambe tin otro casanan cu ta pasa, cu ta peor ainda cu Peeping Tom.

Na San Nicolas por ehempel, (esai ta sigur cu ta pasa otro caminda tambe) tin hendenan cu ta waak tanto na dia como anochi cas di nan bishia. Na San Nicolas tin un section di cas, cu e bishinjanan semper tin algo di haci, especialmente cu un famia so; e famia aki ta Victimia di varios di su bishinjanan. E pover Sra. aki no por accepta ningun bishita na su Cas, ni homber ni muher, cu e bishinjanan mester waak pa quen e persona ta, y kico el a bin haci. Anochi nan ta paga luz sin bida da di Cushina pa waak e bishia.

Ni bishia nan ta paga luz y sinta waak door di faloesier. Nan ta jega, asina leuw cu ora bin un hende cas di e bishia, hopi bishia esposa di e Sra. ta haja promer cu e jega cas, pasobra e hendenan aki ta bise, asina cu e Sra mester ta pira cu asina e casa jega cas, pa e bisele quen a bin su cas, y kico el a bin haci.

Awor ami lo kier puntra, e hendenan aki no tin nada di haci? cu nan ta solamente waak cas di hende? Tambe tin bishia cu ora e Sra. bai cas di un hende, cu e bishinjanan sa ta unda e ta bai, nan ta manda un mucha, especialmente pa bai spiona kico e Sra. ta bai haci, no ta tristo. E hendenan aki nos no por jamando, peeping Tom, pero nomber pa e hendenan aki ta NOSEY PARKERS.

Sr. Redactor masha danki pa e espacio concesi na mi, y basta pronto.

Un Victimia.

PA MAS ENERGIA: BEBL MALTA CORONA



PEPITA

Por CHIC YOUNG



Tur ora nan ta haci cos di tokete cu pover Lorenzo. Un dia e ta trahando tranquil di dje den oficina, ora su otro coleganan di oficina ta presenta su tras cu un cahy y un lista, bisando: "Y Lorenzo ta dre contesta nan: "Mi ta bai pense." Pero e hefe Y Lorenzo ta dre contesta nan: "Mi ta bai pense." Peso e hefe mes, tabata sabi di e colecta aki, pasobra tur e ora ey e tabata loer door di porta y despues cu el a tende Lorenzo su decision e ta sali pura, ta hanta Lorenzo for di su stoel, ta birele cabez

abau pa tur loka e tin den su saco sali eai afor, prome e empleadonan a sorprende ora e hefe a blo ariba nan ey den, pero despues cu nan ta mira e placanan ta lora den vloer, nan ta piki un pa un cu un cara sonrei. Lorenzo a keda tur sonza tira abau, e hefe ta camina bai na harimento y e coleganan di Lorenzo... "Pone Lorenzo su nomber cu 1.87 riba lista..." un ta bisa e otro y ta sigui nan hefe.

HOLSTEN

E famoso cerbez Aleman ta bo mejor companjera na toer momento

Obtenido na tur Club, Bar y Restaurant na Aruba
Agentes: E. F. DEBROT, Inc.